

MIRAMAR HOPE BAY NANMINILGIT

**KINGULIQPAAMIK APIQHUINIQMUN
TUNIYAUYUT**

DORIS NORTH HAVAANGA

NUNAVUT AVATILIGIYIT KATIMAYIT

JUNI 25, 2004

NAUNAIPKUTIT

1. Havanguyuq Nainaqhimayuq tamnalu Tuniyauyuq
2. Kingutqiktaqnii tapkuat Havaktauyup Naunaiyaqnii Havaguhii
3. Atuqpiaqniqhat Titiqat Tuniyai tapkuat Miramar Hope Bay Nanminilgit ("MHBL")
4. Titiqat Uniqtuqnii Hatqititnii tapkununga Avatiligiit Apiqhuiniqmun Atugakhaliat talvani Julai 11 - 16, 2004

Atugakhaliat 1 – Titiqat titigaqhimayut tapkuat havangi atuni hatqititaiyut ilagiyainik tapkuat Kinguliqpaamik Avatiliginiqmun Aktuqtauniinut Uqauhiuyut

1. HAVANGUYUQ NAINAQHIMAYUQ TAMNALU TUNIYAUYUQ

Hivuliqmik Uniqtuqnii

Miramar Hope Bay Nanminilgit tukhigaqtut hananikhaanik tamnalu aulanikhaanik tamna mikiyuq guulinut uyagakhiuqvikhaq (tamna "Doris North Havaanga") tahamani Inuit nanminiani nunami talvani Uataani Kitikmeot Nunaliit Aviktuqhimaniani Nunavutmi. Tamna Doris North Havaanga inillik mikhaani 160 kilaamitaq kangyata uataani Ikaluktutiap. Umingmaktok, 65 kilaamita uataani tamnalu Qingauk, 110 kilaamita kangyata uataani tapkuat qanittiqhat nuaniuyut talvangat uuktugauyumit Doris North Havaanga. Tamna tatyavaanga atugakhaliat hanayaunianut pigiaqlugu 2005-mi tamnalu aulataunianut pigiaqvikhalik 2006-mi. Aulatauniat 24-nut tatqiqhiutinut umiklunilu 2008-mi. Tamna mikiyuq nunap iluani uyagakhiuqvikhaq anginiqhamik hananiaq 690 tansinik havikhanik upluq tamaat, hanalutik mikhaani 306,830 aunsinik guulinik talvangat 458,157 tansinit havikhanit.

Miramar Hope Bay Nanminilgit hatqiqhiniat tapkunani Avatiligiyit kinguliqpaamik apiqhuinikhani naunaiyainiat atuqniqpaamik tuhaqtakhanik tapkunangat Kinguliqpaamik Avatiliginiqmun Aktuaniqmun Uqauhiqni ("FEIS") tapkuatlu ikayuqhiutihimayut titiqat tapkuatlu pinahuaqniqhauniat qanuqtut tamna Doris North Havaanga pityutiqagiakhainik tapkununga havaktauyunut tapkuatlu inungnut avatiliginiqmun tahapkunani: iqaluknut, angutikhanut, nunamut, hilaamut, tapkuatlu inungnut-maniliuguhiqnut pityutauyunut. Tahapkunani hanatyuhikhaliangini taphuma Doris North Havaanga Miramar Hope Bay Nanminilgit pinahuaqhimayut piyumayamingnik atuqtakhanik mikhihimanahuaqniinut aktuqtaunii tahamunga avatigiyaayunut. Miramar Hope Bay Nanminilgit atuqhimayut tahapkununga piyaulanik huniumaititlugu tuhaqtakhalianit pivaliatitaunianut tamna Doris North Havaanga uniqtuqnianut, naunaiyaqniinut tahapkuat allatqiit havaktauyut ilagiyainut atuqtaulaqtukhat, mikhihimanahuaqhugit havakviuyup iniliuqtai, tapkuatlu hanatyuhikhai tapkuatlu hanayakhat taphumunga havakvikhamik nappaqtuiniqmun ilagiyainik.

Havaanguyuq Uniqtuqnia

Tamna havanguyuq uniqtuqnia piqaqtuq tapkunani Kinguliqpaamik Avatiliginiqmun Aktuaniqmun Uqauhiqni uniqtuqhimayut tapkununga havaanguyumik ilakhainik tahapat atuqniqpaat ilagiyai nainaqtaulat tapkuat:

- tamna 175-inuit inugiaknikhai hiniktaumavik piqaqluni tamatkiumayunik imaqmun anaqnutlu halumaqhaivikmik;
- aapisi tamnalu uyagakhiuqvik paniumayut havagutit;
- hiquptigutit tapkuatlu havikhaliuqvikmi havagutit;
- Hitamat 1MW uququyuaqtuqtut quliliqutit;
- angiyunut uququaqvik talvani Roberts Bay;
- tulaktaqvik talvani Roberts Bay tunmigaqaqvikhaqlu talvani Roberts Bay;

- qaqtautitut tutquqhimavik hanavikhaqlu; tamnalu
- Tail Tahiq uyagaktaqnikut kuvigaqvik hiamaktailivik.

Tamna Doris North Havaanga havaktitiniq mikhaani 150 inungnik. Havaktiuyut aulaqpakniat talvunga havakvikmun tingmitikkut, mittaqlutik talvunga 914 miitamut takinilikmut mittaqvikmun hanahimayuq hanimuktuhimayuq tamna 4.8 kilaamita ukiuq tamaat atuqtukhaq apqut. Tamna apqut agyaqtuqviuniaq hunanik talvangat Roberts Bay talvunga Doris North Havakvianut. Miramar Hope Bay Nanminilgit agyaqtuqniat hunanik tapkuningalu atuqtakhanik havakvikmun auyami umiaqpakkut, ilautitlugit mikhaani 8 milian liitat uqhuquyat puqhimaniat malgukni qattaquyaqaqvikni. Ilautitlugulu Miramar Hope Bay Nanminilgit hananiat tulaktaqvikmik qayaqnut tapkuatlu qayaliknut tingmititut talvani Doris Tahiqmi, tunmigakhamik iliuqaqvikhamik, tamnalu uhiyaqvikhaq titiqquqhimayuq umiaqpaknut agyaqtugutitut tahamani qinguani Roberts Bay.

Tamaita ilagiyai taphuma uyagakhiuqviup, hiquptigutit, havikhaliugutit, guulinit pityutit tapkuatlu uunakhiititut havagutit upalungaiyaqtaq talvani Doris North atuqtauhimayyut nakuuyumik havaguhiit atuqtauvaktut tahapkunani guulinit uyagakhiuqniqmun havaktuni Kanatami hilaquamilu.

Tamna uyagakhiuqviup itiqtaqvia iniaqniat haniani taphuma havikhanut hannavikmi tapkuatlu ahii nunap qangani havagutit. Havaktit pilaqniat nunap iluanuktaqniqmun uyagakhiuqvikmun tungavikmun hivuliqmik anmuuyumun tahamuuna qaiqtukkut mikhani 36.5 miitat ataani nunap qangata. Pingahut anmungayut qingakhat huqlut piqagutauniat naamaktumik aniqhaktugutikhanut uyagakhiuqtunut nunap iluani.

Tamna havikhaq agyaqtugauniaq nunap iluanit akhaluutitut iliuqagaulounilu tahamunga havikhat qaligiktitaqlugit. Tamna havikhaq hiquptugauniaq tamnalu taphiqyuakut havikhaliuqvikmuklugu. Tamna havikhaliuqvikmi havaguhiq pikaqniat uqumaitniitut pilaqtunik, tapkuat pityutaulutik angiyunik guulinik, tamnalu pqaupuliknut apqutitaqluni, pityutauluni guulinik kihingukuuyunik. Piyayut guulit aulaqtitauniat niuvgutauyunut hanahimayunik kikkagiktunik guulinik.

Miramar Hope Bay Nanminilgit pakpakniatqtaq imigaulat tapkuatlu hanatyutikhat immat talvangat Doris Tahiqmit. Miramar Hope Bay Nanminilgit ikuaqlattiniatqtaq tamaita niqit iqakut talvangat hiniktaumavikmit piyauttailugit angutikhanut tikittagutauniitut. Miramar Hope Bay Nanminilgit hauniaqtaq quaqaqnaittut naptuyut iqakut iqakuuqvikmun ilangani iluttuqhimayumi atugayut hanatyutauniitut uyaqat igluqpiuqniqmun hanayauhimayunut. Hivuanit tapkuat kuvigaqtauniahagtutlugit talvunga Tail Tahiqmun, tapkuat uyagaktanikut imaqtangi halumaqhagauniat mikhigiaqlugu saiyanaq namakhigiaqlugit piyauhimanii. Miramar Hope Bay Nanminilgit halumaqhagauniat havagutauyut immaq talvangat Tail Tahiqmin.

Havanguyup Naunaiyaqnia

Tapkuat Avatiligiit piyalgit ihumaliuqlutik naliaknik tamna Doris North Havaanga piniagiakha "haputihimania tamnalu pipkagahuaqnia tamna atuqtuq tamnalu hivunikhani nakuunii tapkuat nunaliuyut tapkuatlu nunaliit tahamani Nunavutagiyaayup Iluani" tamnalu "haputihimani uumayuvaluit naamaknikhai tahamani Nunavutagiyaayup Iluani," ihumagiqahiutitlugit tahapkuat piyumanii ahii Kanatamiut (takulugu ilangani 12.2.5 tapkunani *Nunavutagutini Angigutit* ("Nunavutagutit")). Pinahuaqhugit

naunaiqtaqtik, tapkuat Avatiligiyit ihumagiqahiutiniaqtai tamaita pityutauyut tugangayut tapkuat havagiyagiaqtaqtik, ilautitlugit: naliaknut tapkuat Doris North Havaanga piniagiakhai pihimaniqhauniaqmangat tapkuat uumayuvaluit nakuunii tahaphuma Nunavut; naliaknut tapkuat uuktugutauyut pihimayakhai hivuliutiyukhat tapkuatlu pinnagiyauyut tapkunangat nunaliknit Nunavutmi; uuktugutauyut ihuaqhihimatyutikhai, utiqviuyukhat piyukhat, uumayuvaluit tapkuatlu inungnut-maniliugutitut munagiyauniitut havagutit, tapkuatlu halumaqhautit atuqtukhat (takulugit ilangani 12.5.5 tapkunani Nunavutagutini).

Pigianiani tapkuat Avatiligiyit avatiliginiqmun naunaiyaqniitut pityuhii, Miramar Hope Bay Nanminilgit tunihihimayut uniqtutiaqhimayunik tuhaqtakhanik tapkununga atuni pityutauyunut Avatiligiyitut. Ilagiplugu tapkununga Kinguliqpaamik Avatiliginiqmun Aktuqtauniitut Uqauhiit, Miramar Hope Bay Nanminilgit piqaqtitiyut tuhaqtakhanik kiuplugit tapkuat uqauhiuyut tapkuatlu tuhaqtakhat tukhigauyut tapkunangat Avatiligiyitut tapkuatluttauq ahii ilauyut tapkuat naunaiyaqniitut ilautitlugit Nunavut Tunngavik ("NTI"), Kitikmeot Inuit Katutyiqatigiit ("KIA"), Kavamatkungi Nunavut ("GN"), Inuligiyyutqatkut Kanatami ("INAC"), Avatiligiyit Kanatami ("EC"), Iqaluligiyyit Tagiuqmiutaligiyyit ("DFO"), Iltquhiitut Piqaqtuligiyyit Kanatami ("NR Can") tapkuatlu Aaniaqtuligiyyit Kanatami ("HC") (takulugit ilangani 3 tapkunani titiqani uniqtuqpaliguhikhainut).

Avatiliginiqmun huniumaititlugit tuhaqtakhat naunaiyaqtaunii havaktauhimayut akungani 1994 tamnalu 2003 pinguqtitiniqniitut tatty atuqtut qanugitniitut talvani Doris North Havaangani havakviani. Tuhaqtakhat ihuaqhaqtauhimayut hilaun, imaliginiqmun, iqakut qanugitniitut, imaup qanugitniitut tapkuatlu imaqmiuttat piqaqnii, nauhimayut, angutikhat, pituqaqaqniit naunaiyaqtaunii, tapkuatlu inungnut-maniliugutitut qanugitnii.

Miramar Hope Bay Nanminilgit naunaiqhimayai pinnagiyauyut uumayuvaluknut ilagiyai (VECs) tapkuatlu pinnagiyauyut inungnut-maniliugutitut ilagiyai (VSECs) atuqhugit nunalikni uqaqatigiknii tapkuatlu naunaiyaqnii ilitquhituqat naluyaungitnii (Inuit Qaujimajatuqangit) piyauhimayut sikuuqhutik miitiqtuni Ikaluktutiakmi Saptai 2003-mi. pinnagiyauyut uumayuvaluknut ilagiyai tapkuatlu pinnagiyauyut inungnut-maniliugutitut ilagiyai ilalgit: hilaun tapkuatlu qiqumaniqmik nunap iluani tahamani havakviuyumi, hilap qanugitnia tamnalu nipituniq tahamani havakviuyumi, immap qanugitnia tamnalu imaqmiittut havakviuyumi, iqaluit aktuqtauyut imaqaqniuyuni, nauhimayut tapkuatlu angutikhat nayuqpaktai havakviuyumi, angutikhat amihuunii tahamani Hope Bay qimingani, havakhat pilaqnii, sikuuqniq ilihautiyauniqlu, kanturakniq tamnalu nanminiliknut pilaqnii, nunaluyut nakuunii, nakunginaqtut, tapkuatlu inungnut aktuqtaunii.

Tamna Doris North Havaanga hivuliuniaq guulinut uyagakhiuqvik Nunavutmi tamaqminut inilik Inuit nanminiani nunami. Tapkuat KIA-kut havalgit nunat aulatauniitut tapkuatlu NTI-kut nanminilgit tapkuat havikhait piyungnautainik. Hivuani tapkuat apiqhuiniit, Miramar Hope Bay Nanminilgit nigiktut pihimaliqnikhainik Angigutit Pinahuaqniitut tapkununga KIA-kutnut tapkuninga Inuit Aktuqtauniitut tapkuatlu Ihuaqutit Angigutai ("IIBA") tapkuat titigaqhimaniat ihuaqutit tapkununga piyukhat Inuinaqnut. Nigiukmiyugut tapkuat pihimanikhainik Angigutit Atuqtukhanut tapkununga NTI-kutnut tapkuninga Havikhait Hanayauniitut Atuqtuagutitik tapkuat pityutaulat avikviuyukhanik akiliqtugauyukhanik NTI-kutnut.

Angiqtauksat, tamna Doris North Havaanga ihuaqutauniaq nunaliuyuni nunaliuyunut, KIA-kutnut, tapkuatlu NTI-kut tapkuatluttauq Miramar Hope Bay Nanminilgit. Atuqtitlugit amihut nunaliuyuni miitigniit, uqaqatigikniit KIA-kutnut tapkuatlu NTI-kut tapkuatlu atuqhugit avatiliginiqmun naunaiyaiqtauniinut havaguhiit, Miramar Hope Bay Nanminilgit pihimayut ikayuqhigauqpiaqniit nunaliuyunit taphumunga havakhamun. Kitunitliqak ilagiktunit uqallaktuqaqhimaittuq tamna Havaakhaq kayuhitquyaungitnianik. Atuqhugit nunaliuyuni uyqaqatigikniit, Havanguyup nappaqtakhai haputnikhimanahuaqniat immaqmik, iqaluknik tapkuatlu angutikhat kihimiutitlugit tapkuat ihuugaquyuit talvani Tail Tahiqmi. Kihimikiqaluknut utiqviunikhat upalungaiyautit ihuaqhaqhimayut uqaqatigikhugit tapkuat iqaluligiit Tagiuqmiutaligiit ("DFO") tapkuatlu KIA-kut utiqviunikhainut tapkununga iqaluknut tammaiyauniinut talvani Tail Tahiqmi. Miramar Hope Bay Nanminilgit piniaqpiqhimaayut tapkuat naunaiqhimaaniinut tamna Doris North Havaanga tapkuatlu atuqlugit tapkuat tuhaqtakhat katitigayut naunaigahuaqlugit aktuqtaunii, piqaqniqqat.

Uyagakhiuqniq iniqtautuaqat talvani Doris North Havaangani, tamna havakvikhalumaqhagauniaq ilitquhigaluangatat iliugahuaqlugu unigtuqhimaaniagut tapkunani Qimainiqmun tapkuatlu Haiumaqhainiqmun Upalungaiyautaini ilaliutihimayut tapkunani Kinguliqpaamik Avatiliginiqmun Aktuqtauniinut Uqauhiit. Kihimik, piplugit tapkuat Miramar Hope Bay Nanminilgit qiniinaqniinut havaguhiinik tahamani Hope Bay Qimingani, pilaqmiyuq tapkuat Miramar Hope Bay Nanminilgit pivaliatitiniikhainik hivunikhani havikhanut havakhanik tapkuat hanayaulaqmiyut talvani Doris North hannaviani. Una hivittugutigilaqta tapkuat aulataunii tamna Doris North havakvia, tapkuatlu hivittugiagutaukmilutik havakhanut tapkuatlu nanminiliknut pilaqniinut Inuinaqnut tapkuat atuqlugit Inuit Aktuqtauniinut Ihuaqutit Angigutai. Kihimik, tahapkuat pilaqniit pivaliatitauniinut ilagiyaungittut tapkununga Doris North Havaanganut, tapkuatlu piyalgit ilikkuqtunik havagiyaayut unigtuqniinut tapkuatlu avatiliginiqmun naunaiyaqniinik hivuani kayuhipkagauniahaqtitlugit.

Tuniyaayut

Kinguagut naunaiyaqaqhugit tapkuat qanugitniit tapkuat kinguliqpaamik apiqhuiniqmun, Avatiligiyit tunihiniat tuhaqhityutimingnik taphumunga Minihitayumun Inuligiituqatkutnut tapkuatlu Miramar Hope Bay Nanminilgit , malikhugit ilangani 12.5.6 tapkunani Nunavutagutini, naunaiyaqniit tapkuat Doris North Havaangat tapkuatlu aktuqtaunii tapkuatlu titigaqlugit Avatiligiyit naunaiqtai naliaknut piniagiakhai piniangittakhailuniit tamna Havanguyuuq kayuhiniaqmangat. Avatiligiyit pilat attataqniinik maligakhat tapkuatlu atugialgit naunaiqtamingnut tapkuat tugangayut Avatiligiyit hivuliqmik pinahuaqtaanut ihuaqhaqhimayut tapkunani ilangani 12.2.5 tapkunani Nunavutagutini.

Miramar Hope Bay Nanminilgit taimaittumik tunihiyut tapkuat Doris North Havaangat piqaqtitiniat naunaittumik nanminiq tamnalu tugangaqpiangitluni ihuaqtumik ikayuqhiutiniinut tapkununga Inuinaqnut tapkuatlu Kitikmeot nunaliit avigtuqhimanianut tapkuatlu uuktugutayut ihuaqhigiagutikhanut tapkuatlu naunaiyaqhimaaniinut havagutit ikayugutauniat haputiyauhimaaniinut tapkuat ayikkutaitnia Uataani Kitikmeot avatinga. Miramar Hope Bay Nanminilgit nalakhutik tukhiqtut tapkuat Avatiligiyit tunihitquplugit tuhaqhityutmik taphumunga Minihitayumun Inuligiituqatkutnut naunaiyagutitik tapkununga havaanguyumun kayuhitqulugu.

Miramar Hope Bay Nanminilgit quyaqpiagtut tapkuat tamaita ikayuqtut takukhauniinik taphumunga Havaanguyumun nunaliyunit, KIA-kutnit tapkuatlu NTI-kutnit uplumimun, tapkuatlu qilanaqtut ilaunikhamun tapkunani kinguliqpaani apiqhuiniqni.

2. KINGUTQIKTAQNII TAPKUAT HAVAKTAUYUP NAUNAIYAQNII HAVAGUHII

Uplua	Havaktauyuq
Matyi 20, 2002	Miramar Hope Bay Nanminilgit titgait Hivuliqmik Havaanguyup Uniqtuqnii
Juni 10, 2002	Avatiligiyyit uqaqta Havaanguyup taphumunga Minihitauyuq Inuligiyyitugatkutnut
Aagasi 27, 2002	Minihitauyuq Inuligiyyitugatkutnut uqaqta Havaanguyup Nunavutagutauyunut Ilangani 12, Ilanga 5 naunaiyaqtakhat
Saptaipa 5, 2002	Miramar Hope Bay Nanminilgit tunihyut Nutanguqhimayunik Havaanguyup Uniqtugutainik Avatiligiyyinut
Aktuupa 15, 2002	Avatiligiyyit tunihyut kinguliqpaamik Avatiliginiqmun Aktuqtauniinut Uqauhiqnik Naunaipkutaqnik
Januari 2003	Miramar Hope Bay Nanminilgit tunihyut Uuktugutunik Havaanguyup Avatiliginiqmun Aktuqtauniinut Uqauhiqnik
Aipuru 14-16, 2003	Avatiligiyyit Inungnik Hivuani-Apiqhuiniahaqtitlugit Miitiqtitiyyut Ikaluktutiakmi, Kugluktukmi Uqhuqtuumilu
Juni 12, 2003	Avatiligiyyit tunihyut Hivuani Apiqhuiniahaqtitlugit Ihumaliugutunik
Saptaipa 2003	Iltquhiqnut Qauyimaniinut Miitiqtitiyyut Ikaluktutiakmi
Nuvippa 30, 2003	Miramar Hope Bay Nanminilgit tunihyut Kinguliqpaamik Avatiliginiqmun Aktuqtauniinut Uqauhiqnik
Fibyuari 2, 2004	Kiklikhai ihuaqhiyauhimayut Avatiligiyyit ahiinut ilagiktunut tunihiniinik uqauhiqnik tapkununga Kinguliqpaamik Avatiliginiqmun Aktuqtauniinut Uqauhiit malikhaqniinut
Fibyuari 19, 2004	Avatiligiyyit ihuaqhihimayai Kinguliqpaamik Apiqhuiniqmun uplukhai Doris North Havaanganut talvangat Juni 13 –18, 2004
Matyi 15, 2004	Miramar Hope Bay Nanminilgit tunihyut tuhaqtakhanik kiuplugit ahii ilauyut malikhaqniinut uqauhiit
Matyi 30, 31 tamnalu Aipuru 1, 2004	Piluaqnaqtunut Miitiqniit Yalunaimi, Nunatsiaq tapkunangat Miramar Hope Bay Nanminilgit tapkuatlu qauyimayigiyyait, tapkuat Kanatamiunut Ukiuqtaqtumi Piqaqniinut Katimayigalaat ("CARC"), tapkuat Kanatamiunut Avatiliginiqmun Naunaiyainiqmun Havaktiit ("CEAA"), Tagiuqmiutaligiyyit, Iuligiyyitugatkut, Avatiligiyyit Kanatami, Kavamatkut Nunavutmi, KIA-kut, NTI-kut, Avatiligiyyit Piluaqnaqtuliginiqmun Ikayuqtii, tapkuatlu Nunavut Imaligiyyit Katimayit ("NWB") kivgaqtii
Aipuru 8, 2004	Avatiligiyyit tunihyut Malikhaqniqmun Naunaiyainiqmun Ihumaliugutunik
Aipuru 29, 2004	Miramar Hope Bay Nanminilgit tunihyut tuhaqtakhanik kiuplugit tapkuat Avatiligiyyit Malikhaqniqmun Naunaiyaiyyit Ihumaliugutai tapkuatlu Tuhaqtakhat Tukhiqtauyut

Mai 10, 2004	kiuyunit ilagiktunit
Mai 17, 2004	
Mai 21, 2004	Avatiligiyit ihuaqhaitqikhaqtut Kinguliqpaamik Apiqhuivikhamik Julai 11-16, 2004

3. ATUQPIAQNIQHAT TITIQAT TUNIYAI TAPKUAT MIRAMAR HOPE BAY NANMINILGIT (ihumagiyauyukhat Avatiligiyinit pinahualigumik kinguliqpaamik angigutikhanut ihumaliuligumik)

- (a) Kinguliqpaat Avatiliginiqmun Aktuqtauniinut Uqauhiit (Nuvipa 30, 2003)
- (b) Miramar Hope Bay Nanminilgit Kiuyut Malikhaqniinut Naunaiyaqtauyunik
 - (i) Miramar Hope Bay Nanminilgit kiuyut Malikhaqniinut Naunaiyaqtauyunik Aaniaqtuligiyit Kanatami, Tagiuqmiutaligiyit, Inuligiyituqatkut, Avatiligiyit Kanatami, Kavamatkut Nunavutmi, tapkuatlu NR Can-kut (Matyi 15, 2004)
 - (ii) Miramar Hope Bay Nanminilgit Kiutqikhaqtut Avatiligiyinut Kanatami (Aipuru 6, 2004)
- (c) Miitigutit tapkunangat Piluaqnaqtuliginiqmun Miitiqtunit Matyi 30, 31 tamnalu Aipuru 1, 2004 (Aipuru 26, 2004)
- (d) Ilagiagutit Tuhaqtakhat
 - (i) Miramar Hope Bay Nanminilgit Kiutyutai Avatiligiyinut Tukhigaqtai Ilagiagutikhanut Tuhaqtakhanut (Aipuru 29, 2004)
 - (ii) Ilagiagutit Tuhaqtakhat tapkununga: Doris North Havaanga Doris Tahiq Kuukvia Qanugilat Pityutauyut (Matyi 23, 2004)
 - (iii) Ilagiagutit Tuhaqtakhat tapkununga: Doris North Havaangat "Tamaungainalaittut" Upalunagiyautit (Matyi 23, 2004)
 - (iv) Nainaqhimayut tapkuat Hope Bay Doris North Uyagaktaqnikut Kuvigaqvii tapkuatlu Tiqiqquqhimayuq Atulaqnikhai (Matyi 24, 2004)
 - (v) Ilagiagutit Tuhaqtakhat tapkununga: Pilaqnii Aktuqtauniinut Hinaanut piplugu Hanayauyut Tikiqqiuhimaniq Roberts Bay-mi, Miramar Doris North Havaanga (Matyi 24, 2004)
 - (vi) Doris North Havaanga Atuqniagahugiyauyut Immap Qanugitnianut Hanayakhaliat Qanugilaqnii Naunaiyaqnii (Matyi 24, 2004)

- (vii) Ilagiyai titiqat tapkunangat Tikitpaktut Tingmityat tapkunangat Avatiligiyit Huniumaittitlugit Naunaiyaqnii Tuhagakhat Tuhagakhaliat talvunga Hope Bay Naunaiyaqtauvianut, 1997 (Matyi 24, 2004)
- (viii) Ilagiyai titiqat tapkunangat Tikitpaktut Tingmityat tapkunangat Avatiligiyit Huniumaittitlugit Naunaiyaqnii Tuhagakhat Tuhagakhaliat talvunga Hope Bay Naunaiyaqtauvianut, 1998 (Matyi 24, 2004)
- (e) Miramar Hope Bay Nanminilgit kiuyut Tapkununga Tuhaqtakhanut Tukhiqtauniinut:

<u>Tukhigaqtut Ilagiit</u>	<u>Uplua Tukhigaqvia</u>
(i) Aaniatuligiyit Kanata	Aipuru 14, 2004
(ii) Inuligiyituqatkut	Mai 10, 2004
(iii) Avatiligiyit Kanata	Aipuru 20, 2004
(vi) NR Can-kut	Aipuru 29, 2004 tamnalu Mai 10, 2004
(vii) Tagiuqmiutaligiyit	Mai 10, 2004
(viii) Tagiuqmiutaligiyit	Mai 21, 2004

4. **TITIQTAT UNIQTUQNII HATQIQTITNII TAPKUNUNGA AVATILIGIYIT
APIQHUINIQMUN ATUGAKHALIAT TALVANI JULAI 11 – 16, 2004**

MIRAMAR HOPE BAY NANMINILGIT KATIMAYIT

Miramar Hope Bay Nanminilgit hatqititiniat atuqlugit katimayit hatqititaiyukhat ilautitlugit tahapkuat inuit:

- David Long, Ataniuyumun-tukliuyuq, Haputniaqti tapkununga Miramar Uyagakhiuqtit Kuapurisan;
- Hugh Wilson, Maaniyauyuq, Avatiliginiqmun Pityutaunyuk tapkununga Miramar Uyagakhiuqtit Kuapurisan;
- Maritz Rykaart, Ataniuyuq Nunaliginiqmun Qauyimayi tapkunani SRK Qauyimayiuyut;
- Michel Noël, Ataniuyuq Nunaliginiqmun Qauyimayi tapkunani SRK Qauyimayiuyut;
- Larry Connell, Ataniuyuq Uyagakhiuqtini Avatiliginiqmun Qauyimayi tapkunani AMEC Hilaquyumi tapkuatlu Avatiliginiqmun Nanminilgit;
- John Chapman, Angayuqaq Qauyimayiuyuq tapkunani SRK Qauyimayiuyut;
- Nathan Schmidt, Immaliginiqmun Piqaqniinut Qauyimayiuyuq tapkunani Golder Associates;
- Gary Ash, Iqaluliginiqmun Qauyimayiuyuq tapkunani Golder Associates;
- Ben Hubert, Anguhiqiyi tapkunani Hubert tapkuatlu Associates;
- Cindy Robinson, Avugiyauttiligiyi tapkunani Golder Associates; tamnalu
- Robert Horal, Inungnut-maniliugutitut qauyimayiuyuq tapkunani Robert Horal tapkuatlu Associates.

Atugakhaliat 1 piqaqtut titiqanik tapkuat ilainik tapkuat Kinguliqpaamik Avatiliginiqmun Aktuqtauniinut Uqauhiuyut tapkuat hatqititaiyut havakhimayai.

Talvani apiqhuiyuni, Miramar Hope Bay Nanminilgit piqaqtitiniat ayuiqhaqhimiinut unipkauhiinik tapkuat atuni hatqititiniat qauyimayiuyut.

NAUNAIPKUTAI HATQIQTITAUNIAI

Tapkuat hatqiqtitauniat tapkunangat Miramar Hope Bay Nanminilgit katimayigalanginit uqauhiqaqniat tahapkuninga pityutaunyuk:

PITUYUTAUYUT	HATQIQTITAIYUQ
Unniqtuqnii kivgaqtuqhugit Miramar Hope Bay Nanminilgit	David Long
Havanguyup Tamaitnut Uniqtuqnii: • Uniqtuqnii tapkuat Avatiliginiqmun Aktuqtaunii Naunaiyaqniinut Havaguhiit; • Uniqtuqnii tapkuat Katimayigalat; • Uniqtuqnii hunanik Hatqiqtitainiaqmangani.	Hugh Wilson
Hila tamanalu Uyagaliginiqmun pityuhiit Huniumaititlugit Tuhagakhat Havakviup Pivaliatitaunianut Hanayakhaliat	Maritz Rykaart
Uyagakhiuqniq, Havikhaliuqnii tapkuatlu Uyagaktaqnikut	Larry Connell
Immaliginiq Huniumaititlugit Tuhagakhat	Nathan Schmidt
Uyagaktaqnikut Iqakut Hiamaktailinii Immaup Qanugitnii	John Chapman
Uyagaktaqnikut Iqakut Hiamaktailinii Immaup Naamakhihimania	Maritz Rykaart
Uyagaktaqnikut Iqakut Haputaa Hanayakhaliuqnia	Michel Noël
Uyagaktaqnikut Iqakut Hiamaktailinii Aulataunia	Maritz Rykaart
Halumaqhainiq	Larry Connell
Immaliginiqmun Aktuqtauniinut Naunaiyaqnia	Nathan Schmidt
Iqaluit tapkuatlu Iqaluqaqviuyut Nayuqpaktai	Gary Ash
Angutikhat Nayuqpaktai, Angutikhat Amigaitnii tapkuatlu Nauhimayut Nunat	Ben Hubert
Inungnut tapkuatlu Uumayuvaluit Aaniaqtailinii Naunaiyaqni	Cindy Robinson

Inuliginiq tapkuatlu Maniliugutitut Aktuqtaunii Naunaiyaqnii tapkuatlu Inungnut Aktuqtauniitut Ihuaqutit Angigutai	Robert Horal tamnalul Hugh Wilson
Pitquhituqat Qauyimayaunii tapkuatlu Inituqlituqat Inigiiai	Hugh Wilson
Kinguliqpaqhiutit: • Uuktugutauyuq Havakhanut Pivigiakhai; • Atulaqnii Hivunikhami Pivaliatitaunii; • Nainaqhimayut Angigutit tapkuatlu Maligakhat Atugiaqaqnii Ihumagiyauyut; • Nainaqhimayut Hatqititauyut; • Quyiagiyauyut tapkuatlu Quyaliniq	Hugh Wilson tamnalul David Long

Tapkuat qulaani piqaqtitigaluaqtitlugit tamaitnut naunaipkutaqnik tapkununga hatqititakhanut, Miramar Hope Bay Nanminilgit pilaqniqaqtut tapkuat ihuaqhitaqniinik pinahuaqniqmun nakuuniqhamik ahianguqtaqniinut tapkuat hatqititaqnii ilautitlugit tapkuat kingutqiktaqnii tapkuat hatqititakhat.

Ilagiplugit tapkununga qulaani, Miramar Hope Bay Nanminilgit pilat ilagiaqniinik hatqititaqtik ihuaqniinik kiuttaqnii kitutliqak pityutauyut hatqititauyut tapkunani Kinguliqpaamik Apiqhuiyunut Tuniyauyunik kitunutliqak ahiinit ilaayunit.

Miramar Hope Bay Nanminilgit piqaqtitiniat titigaqhimayunik ayyikkutainik qagitauyakkuqtaptingnut hatqititaptingnik talvani apiqhuiyuni.

Koana

Hugh R. Wilson
Maaniyauyuq, Avatiliginiqmun Pityutauyunik
Miramar Hope Bay Nanminilgit

ATUGAKHALIAT 1

Katimayigalat Ilagiyai	Kinguliqpaamik Avatiliginimun Aktuqtauniinut Uqauhiuyut
Hugh Wilson, Miramar Hope Bay Nanminilgit	Tamaitnut piyaqaqtai ihuaqhaqhimanii tapkuat Kinguliqpaamik Avatiliginimun Aktuqtauniinut Uqauhiit tapkuatlu Ikayuqhiutihimayut Titiqat tapkuatlu Ikayuqhiutihimayut Titiqat E1.
Maritz Rykaart, SRK Qauyimayiuyut	Ikayuqhiutihimayut Titiqat A4, A5, A6, tamnalu B5.
Michel Noël, SRK Qauyimayiuyut	Kinguliqpaamik Avatiliginimun Aktuqtauniinut Uqauhiit Ilangani 3.1 tamnalu Ikayuqhiutihimayut Titiqat A5.
Larry Connell, AMEC Earth tapkuatlu Environmental Nanminilgit	Kinguliqpaamik Avatiliginimun Aktuqtauniinut Uqauhiit Ilangini 1.0, 2.0, 3.0, 5.2.5, 8.0 tamnalu Ikayuqhiutihimayut Titiqat A1, B2, B4 tamnalu G1.
John Chapman, SRK Qauyimayiuyut	Kinguliqpaamik Avatiliginimun Aktuqtauniinut Uqauhiit Ilangini 5.2.5 tamnalu Ikayuqhiutihimayut Titiqat F8.
Nathan Schmidt, Golder Associates	Kinguliqpaamik Avatiliginimun Aktuqtauniinut Uqauhiit Ilangini 5.2.5 and 3.1.9 tamnalu Ikayuqhiutihimayut Titiqat C2 tamnalu F4
Gary Ash, Golder Associates	Kinguliqpaamik Avatiliginimun Aktuqtauniinut Uqauhiit Ilangini 3.2.1, 3.2.2, tamnalu 5.2.7 tamnalu Ikayuqhiutihimayut Titiqat C1, C2, C3, F3 and F5 (F5 nutaanguqhimayuq Mai 2004 tamnalu tuniyautqikhaqhuni Avatiligiynut).
Allison Little, Golder Associates	Ikayuqhiutihimayut Titiqat C2.
Ben Hubert, Hubert tapkuatlu Associates	Kinguliqpaamik Avatiliginimun Aktuqtauniinut Uqauhiit Ilangini 3.2.4, 5.2.9, 7.2, 7.3, 9.2 tamnalu Ikayuqhiutihimayut Titiqat D2, D3 tamnalu F6.
Cindy Robinson, Golder Associates	Kinguliqpaamik Avatiliginimun Aktuqtauniinut Uqauhiit Ilangini 5.0 tamnalu Ikayuqhiutihimayut Titiqat F2 tamnalu B3.
Robert Hornal, Robert Hornal tapkuatlu Associates	Kinguliqpaamik Avatiliginimun Aktuqtauniinut Uqauhiit Ilangini 4.0 tamnalu 6.0 tamnalu Ikayuqhiutihimayut Titiqat E2 tamnalu E3.